

Na osnovu člana 65. Statuta JKP "Pannonica" d.o.o. Tuzla, a u skladu sa čl. 20a. Zakona o izmjenama i dopunama Zakona o radu ("Službene novine Federacije BiH" broj: 89/18), Uredbe o postupku prijema u radni odnos u javnom sektoru TK broj:02/1-02-3310/19 od 05.04.2019. godine, na osnovu Odluke o načinu izbora, postupku i kriterijima za izbor novih radnika i pripravnika u JKP "Pannonica" d.o.o. Tuzla broj:224/19 od 13.02.2019.godine, te na osnovu Odluke o raspisivanju konkursa za prijem radnika u radni odnos na neodređeno vrijeme u JKP "Pannonica" d.o.o. Tuzla direktor Društva dana 18.08.2020. godine raspisuje:

**KONKURS  
ZA IZBOR I PRIJEM RADNIKA U RADNI ODNOS NA NEODREĐENO VRIJEME U  
JKP "PANNONICA" DOO TUZLA**

**Član 1.**

Raspisuje se konkurs za izbor i prijem radnika u radni odnos na neodređeno vrijeme u JKP "Pannonica" d.o.o. Tuzla.

**Član 2.**

**1. KONOBAR – broj izvršilaca: 1**

**Kratak opis poslova radnog mjesta:**

- a) posluživanje gostiju,
- b) rad na fiskalnom uređaju i izdavanje fiskalnih računa gostima,
- c) održavanje čistoće na radnom mjestu,
- d) obavlja i druge poslove u skladu sa zakonom, stručnom spremom a po nalogu neposrednog rukovodioca,
- e) za svoj rad je neposredno odgovoran voditelju poslovne jedinice.

**Kandidati treba da ispunjavaju sljedeće opće uslove:**

- a) da je državljanin BiH i da ima prebivalište u BiH (dokaz: uvjerenje o državljanstvu i zahtjev za prijavu – odjavu prebivališta – boravišta i promjenu adrese stana ne stariji od 6 mjeseci (dokaz: PBA-1);
- b) da je stariji od 18 godina (dokaz: ovjerena kopija lične karte);
- c) zdravstveno sposoban za obavljanje poslova za koje se prijavljuje (vidi napomenu Član 3.);
- d) da protiv kandidata nije podignuta optužnica kao i da se ne vodi krivični postupak (dokaz: uvjerenje nadležnog suda ne starije od tri mjeseca, vidi napomenu Člana 3.);

**Kandidati treba da ispunjavaju i sljedeće posebne uslove:**

- a) da posjeduje diplomu kvalificiranog radnika, stručne spreme SSS, KV-konobar, (dokaz: diploma);
- b) da ima najmanje 6 (šest) mjeseci radnog iskustva na ovim ili sličnim poslovima (dokaz: uvjerenje/potvrda o radnom iskustvu);
- c) da posjeduje vozačku dozvolu „B“ kategorije (dokaz: ovjerena kopija vozačke dozvole);
- d) da je komunikativan;
- e) da poznaje engleski jezik.

**Član 3.**

Uz prijavu na javni konkurs koja se nalazi na stranici [www.pannonika.ba](http://www.pannonika.ba), a koja treba da sadrži kraću biografiju, adresu, stručnu spremu i kontakt telefon, kandidati su obavezni priložiti original dokumenta i to:

- 1) uvjerenje o državljanstvu;
- 2) zahtjev za prijavu – odjavu prebivališta – boravišta i promjenu adrese stana ne stariji od 6 mjeseci (PBA-1);
- 3) ovjerena kopija lične karte;
- 4) diploma;
- 5) Uvjerenje/potvrda o radnom iskustvu;
- 6) ovjerena kopija vozačke dozvole;
- 7) Dokaz o poznavanju engleskog jezika.

Sa kandidatima koji ispunjavaju uslove konkursa obaviti će se poseban intervju koji provodi Komisija za bodovanje kandidata. Odluku o prijemu kandidata u radni odnos donosi direktor, ista se dostavlja svim učesnicima oglasa. Učesnik oglasa nezadovoljan izborom kandidata ima pravo u roku od 8 dana izjaviti prigovor. Napomena: Prilikom zaključenja ugovora o radu odabrani kandidat je obavezan dostaviti ljekarsko uvjerenje ne starije od 1 mjesec, te uvjerenje nadležnog suda ne starije od tri mjeseca da protiv kandidata nije podignuta optužnica kao i da se ne vodi krivični postupak.

#### **Član 4.**

Konkurs ostaje otvoren 8 dana od objavljivanja.

Prijave uz dokaze o ispunjavanju uslova konkursa i kraću biografiju, dostaviti (lično ili preporučeno poštom) na adresu:

JKP "Pannonica" d.o.o.

Tuzla

Ul. Šetalište Slana banja bb

(uz naznaku: Konkurs za izbor i prijem radnika u radni odnos na neodređeno vrijeme u JKPPannonica d.o.o. Tuzla")

Nepotpune i neblagovremene prijave neće biti razmatrane.